



BÜLBÜL

multimedialı platformada
taqdim etilgen yırlar





BALALAR İÇÜN
MULTİMEDİALİ
PLATFORMA

Münderice

Beşik yiri.....	4
Elifbeni öğrendim.....	5
Mektep başlana.....	6
Qış	7
Eçkiçigim.....	8
Yaz keldi.....	10
Sansarçıq.....	11
Yazmağa öğrenemiz.....	12
Qara mışıq.....	14
Bayram nefesi.....	15



Beşik yırı

Sözleri: S. Erecepova
Muzikası: L. Bulhakova

Aranjör: A. Kurtmemetov
İcra etken: L. Bulhakova

1-ci beyit:

Geceleri beşigiñniñ başında
Baht tolu saatlerim keçirem.
Seni sağlam yaşasın dep, ayneni,
Saña temiz ana sütün içirem.

Bağlama:

Seni sağlam yaşasın dep, ayneni,
Saña temiz ana sütün içirem.

2-ci beyit:

İstegim bar – ös, alim ol, evlâdım.
Yerniñ, kökniñ gizli sırın öğren, baq.
Bahıtlı ol bu dünyada, ayneni,
Seniñdir yeşil ada – güzel Qırım.

Bağlama:

Bahıtlı ol bu dünyada, ayneni,
Seniñdir yeşil ada – güzel Qırım.

3-ci beyit:

Qartlığımda ayatıma direksiñ,
Sen em maña, em Vatanğa kereksiñ.
Namuslı ol, aqıqaten cesür ol,
Vataniñda saña, oğlum, açıq yol.

Bağlama:

Namuslı ol, aqıqaten cesür ol,
Vataniñda saña, oğlum, açıq yol.

Elifbeni ögrendim

Sözleri: E. Bahşış
Muzikası: F. Ceppar

Aranjör: A. Kurtmemetov
İcra etken: F. Ceppar

1-ci beyit:
İlk kitabım "Elifbe" –
Ne zamandır elimde.
Ariflerden başladım men,
Endi soñ saifedem.

Bağlama:
Ariflerden başladım men,
Endi soñ saifedem.

2-ci beyit:
Başında ecaladım,
Soñ cümleler oqudım.
Sozuq sesnen tutuqlarını
Bir-birinden ayırdım.

Bağlama:
Sozuq sesnen tutuqlarını
Bir-birinden ayırdım.

3-ci beyit:
Bilgi, kitap – yan-yana,
Tırışqan – çoq qazana.
Emek tökip men kelirim
İlimler qapısına.

Bağlama:
Emek tökip men kelirim
İlimler qapısına.

Mektep başlana

Sözleri: E. Bahşış
MuzİKası: A. Yusuf-qızı, A. Kurtmemetov

Aranjör: A. Kurtmemetov
İcra etken: A. Yusuf-qızı

1-ci beyit:
Yaz endi sađlıqlaştı,
Küzge yol berip qaçtı.
Bunda bar bir alâmet:
Küzde başlana mektep!

Bađlama:
Aydı, aydı, balalar,
Bekley bizni kitaplar,
Sınıftaki raleler,
Öğrenilecek fenler!

2-ci beyit:
Kitap, defter alındı,
Çantalar azırlandı.
– Alâ oqu, talebe,
Qazanırsıñ ğalebe!

Bađlama:
Aydı, aydı, balalar,
Bekley bizni kitaplar,
Sınıftaki raleler,
Öğrenilecek fenler!



QIŞ

Sözleri: E. Bahşış
Muzikası: A. İsamidinov, A. Kurtmemetov

Aranjör: A. Kurtmemetov
İcra etken: A. İsamidinov



1-ci beyit:

Aq qalpaq kiygen damlar,
Binalar – beyaz tonlar.
Yer-topraqlar taşlağan
Üstüne beyaz yorğan.

Bağlama:

İşte, dostum, qış keldi,
Öz sıfatın bildirdi,
Kök bulutniñ içinde
Qarnen suvuq ketirdi.

2-ci beyit:

Terekler de yaraşqan,
Örnekli kiyip qaftan.
Beyaz dağ, beyaz orman,
Göl ağarıp buzlağan...

Bağlama:


İşte, dostum, qış keldi,
Öz sıfatın bildirdi,
Kök bulutniñ içinde
Qarnen suvuq ketirdi.



Eçkiçigim

(eriştirüv tarzında şaqalı bir türküçik)

Sözleri: E. Bahşış
Aranjör: A. Kurtmemetov
İcra etken: F. Ceppar



Bağlama:
Eçkiçigim bar edi,
Balalayım, der edi,
Balaladı — beş oldı,
Çoban aqayğa iş oldı!

1-ci beyit:
Bir ulağı bem-beyaz,
Tüşer quyuğa, çıqmaz,
Çıqar ise — sım-sılaq,
Közleri — patlaq-patlaq!

Bağlama:
Eçkiçigim bar edi,
Balalayım, der edi,
Balaladı — beş oldı,
Çoban aqayğa iş oldı!

2-ci beyit:
Bir ulağı da çubar,
Talaşsa — afat qopar,
Yaramazdır, yaramaz,
Çoban der oña — aylâz!

Bağlama:
Eçkiçigim bar edi,
Balalayım, der edi,
Balaladı — beş oldı,
Çoban aqayğa iş oldı!





3-ci beyit:

Bir ulaçiq, ulaçiq,
Ağızı bar oymaçiq,
Boyu bir qarış eter,
Baq, qaydalarğa keter!

Bağlama:

Eçkiçigim bar edi,
Balalayım, der edi,
Balaladı — beş oldı,
Çoban aqayğa iş oldı!

4-ci beyit:

Bir ulaçiq — qap-qara,
Bar saçlarıñnı tara,
Yoqsa, oldıñ kapa baş,
Fındıq burun, çatma qaş!

Bağlama:

Eçkiçigim bar edi,
Balalayım, der edi,
Balaladı — beş oldı,
Çoban aqayğa iş oldı!

5-ci beyit:

Bir ulaq — tişsiz papu —
Ğıç-ğıç araba qapı!
İşte, saña bir masal,
Diñlediñ — saqlıqnen qal!

Bağlama:

Eçkiçigim bar edi,
Balalayım, der edi,
Balaladı — beş oldı,
Çoban aqayğa iş oldı!





Yaz keldi!

Sözleri: E. Bahşış
Aranjör: A. Kurtmemetov
İcra etken: F. Topçı



1-ci beyit:

Yaz keldi! Ah, yaz keldi,
Beklenilgen yaz keldi!
Küneş kökte parılday,
Deñiz yaznı alğışlay!

Bağlama:

Biz dağlarğa çıqarmız,
Saqlanmaçaq oynarmız.
Orman, deñiz, dalğalar
Bizni bekley, balalar!

2-ci beyit:

Yurtumuz, vatanımız!
Biz onı pek sevemiz!
Salqın suv, temiz ava
Bizge yazda yaraşa!

Bağlama:


Biz dağlarğa çıqarmız,
Saqlanmaçaq oynarmız.
Orman, deñiz, dalğalar
Bizni bekley, balalar!

3-ci beyit:

Bostanlar ve bağçalar
Bizge ete ikramlar.
Sağlam olıp ösermiz,
Oqumağa ketermiz!

Bağlama:

Biz dağlarğa çıqarmız,
Saqlanmaçaq oynarmız.
Orman, deñiz, dalğalar
Bizni bekley, balalar!



Sansarçiq

Sözleri: İ. Bahşış, edebiy işlenüvi E. Bahşış
Aranjör: A. Kurtmemetov
İcra etken: F. Topçı



1-ci beyit:

Kel, sansarçiq, kel bizge,
Dost olayıq,
Bizler çoqmız, birlikte
Bir oynayıq.

Bağlama:

Ay, sansarçiq,
Vay, sansarçiq,
Bizde sençün
Bar yuvaçiq.

2-ci beyit:

Bizler seni severmiz,
Eybetlermiz.
Alma, armut, fındıqlar
Ketirirmiz.

Bağlama:


Ay, sansarçiq,
Vay, sansarçiq,
Bizde sençün
Bar yuvaçiq.

3-ci beyit:

Sen, sansarçiq, yuvañda
Tıñ olursıñ.
Suvuq qışta qarnıñnı
Toydurırsıñ.

Bağlama:

Ay, sansarçiq,
Vay, sansarçiq,
Bizde sençün
Bar yuvaçiq.



Yazmağa öğrenemiz

Sözleri: Yu. Qandım
MuzİKası: L. Bulhakova

Aranjör: A. Kurtmemetov
İcra etken: L. Bulhakova



1-ci beyit:

Qoqlamniñ adı Arzı,
Ögretim oña yazı.
Qalem berem qoluna,
Kâğıt qoyam aldına.

Bağlama:

Sen yazarsıñ adıñnı,
Men yazarım adımı.
Ögrenemiz yazmağa,
Atta resim çizmağa.

2-ci beyit:

Arzı, neçün yazmaysıñ,
Kâğıtqa da baqmaysıñ?
Altın saçlı Arzıçiq,
Ne de inat bu qızçiq!?

Bağlama:

Sen yazarsıñ adıñnı,
Men yazarım adımı.
Ögrenemiz yazmağa,
Atta resim çizmağa.



3-ci beyit:
Arzı, "eki" qoyarım,
Yazsañ, sennen oynarım.
Yaz, Arzı, tut qalemni,
Şaşırayıq alemni.

Bağlama:
Sen yazarsıñ adıñni,
Men yazarım adımı.
Ögrenermiz yazmağa,
Atta resim çizmağa.


* metin müellifniñ imlâsına köre berilgen



Qara mışıq

Sözleri: A. Odabaş, edebiy işlenüvi E. Bahşış
MuzİKası: A. İsamidinov, A. Kurtmemetov

Aranjör: A. Kurtmemetov
İcra etken: A. İsamidinov



1-ci beyit:

Bizde qara bir mışıq bar,
Közçükleri otday yanar,
Qışta ocaq başta yatar,
Yazda terek tübü arar.

Bağlama:

Qara mışıq, nazlı mışıq,
Miyav-miyav etken mışıq.

2-ci beyit:

Şayna baqsañ o tenbeldir,
Qayda olsa yatıp qalır,
Sıypağanda pek nazlanır,
Yaltaqlanıp mırıldanır.

Bağlama:

Qara mışıq, nazlı mışıq,
Miyav-miyav etken mışıq.

3-ci beyit:

Lâkin mışıq sıçrap turar,
Birden birge közün açar,
Ortalıqqa ateş saçar,
Tasırdasa sıçançıqlar.

Bağlama:

Qara mışıq, nazlı mışıq,
Miyav-miyav etken mışıq.

Bayram nefesi

Sözleri: E. Bahşış
MuzİKası: F. Ceppar

Aranjör: A. Kurtmemetov
İcra etken: F. Ceppar

1-ci beyit:

Müezzin ezan oquy,
Evde çiberek qoquy.
Bu – bayramnıñ nefesi.
Bugün bayram arfesi!

Bağlama:

Bayram şerifi mubarek!
Bayram şerifi mubarek!

2-ci beyit:

Musafirler kelecek,
Sütlü qave içecek.
Dua etermiz bizler
Eş-dostlarnen beraber!

Bağlama:

Bayram şerifi mubarek!
Bayram şerifi mubarek!

3-ci beyit:

Qıl ibadet, niytlar,
Rabbim yazar sevaplar,
Yazsın, yazsın, bol olsun,
Qalbimiz iman tolsun!

Bağlama:

Bayram şerifi mubarek!
Bayram şerifi mubarek!



BALALAR İÇÜN
MULTİMEDİALİ
PLATFORMA



